



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«14» «11» 2016թ.

Հասցե՝ ք. Երևան, Մ. Խորենացու 3, 7

ՈՐՈՇՈՒՄ թիվ 1898 /01

Հարկ վճարողից ժամանակին չվճարված հարկային պարտավորությունների գծով վճարման ենթակա գումարը գանձելու մասին

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով ՀՀ «Անտառաշեն» ՍՊԸ-ի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների ՀՀ «Անտառաշեն» ՍՊԸ-ի /ՀՎՀՀ 00104211, հասցեն՝ Զովեժ 21 16/ հարկային մարմնի կողմից վերահսկվող եկամուտների գծով չկատարված պարտավորությունը 31.10.2016թ. դրությամբ կազմում է 228292 ՀՀ դրամ, որն առաջացել է հետևյալ հարկատեսակներից՝

Պետական տուրքի գծով պարտավորությունը կազմում է 111709 ՀՀ դրամ, որից ապառք՝ 79935 ՀՀ դրամ, տույժ՝ 31774 ՀՀ դրամ, որն առաջացել է 2016թ.-ի տարեկան հարկի գումարներից և օրենքով սահմանված ժամկետներում չվճարված տույժի գումարներից:

Շրջանառության հարկի գծով պարտավորությունները կազմում են 116583 ՀՀ դրամ, որից ապառք՝ 47391 ՀՀ դրամ, տույժ՝ 69192 ՀՀ դրամ, որոնք առաջացել են 2014թ.-ի տարեկան հարկի գումարից և օրենքով սահմանված ժամկետում չվճարված տույժի գումարից:

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ ՀՀ «Անտառաշեն» ՍՊԸ-ի հարկային մարմնի կողմից վերահսկվող եկամուտների գծով չկատարված պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 07.11.2016 թվականին ընկերության տնօրենը ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

Գանձման ենթակա հարկային մարմնի կողմից վերահսկվող եկամուտների գծով չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի

Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով <Հարկերի մասին> ՀՀ օրենքի 29՝ հոդվածով, <Պետական տուրքի մասին> ՀՀ օրենքի 35 հոդվածով, <Վարչարարության հիմունքների և վարչական վարույթի մասին> ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

- 1.<<Անտառաշեն>> ՍՊԸ-ից գանձել 228292 ՀՀ դրամ պարտավորության գումար:
- 2.Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
- 3.Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
- 5.Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը _____ 2016 թ

Նշում որոշումն իրազեկվելու առ վիճակագրի մասին _____

Կատարող ԻՎ 1-ին բաժնի
Ստացին կարգի մասնագետ
Ս.Աբրահամյան
Հեռ.՝ /011/ 544-053